



Här Claude Wiseler

President vun der Deputéiertechamber

19, um Krautmaart

L-1728 Lëtzebuerg

Clärrref, den 30. Mäerz 2026

Här President,

esou wéi den Artikel 81 vum Chambersreglement et virgesäit, bieden ech lech, dës **dréngend** parlamentaresch Fro un d'Madamm Verkéiersminister weiderzeleeden.

E Freideg den 20. Mäerz war bäi RTL ze liesen, datt Lëtzebuerg nach keen Enkpass beim Kerosin hätt. Méttlerweil huet d'DAC awer en NOTAM u sämtlech Lëtzebuurger Piloten erausginn, wou si opgefuerdert ginn, sou vill wéi méiglech am Ausland ze tanken, well d'Reserve vum Kerosin (Aviation fuel A1) zu Lëtzebuerg begrenzt wieren. Lëtzebuerg ass awer net nëmme fir den Tourismus, mee och fir d'Versuergung vun der Bevëlkerung op d'Lofftaart ugewisen.

An deem Zesammenhang géif ech der Madamm Verkéiersminister gär dës **dréngend** Froe stellen:

- 1) Iwwer wéi vill Lagerkapazitéit fir Kerosin verfüügt Lëtzebuerg um nationalen Terrain?
- 2) Wéi vill Kerosin steet aktuell nach um nationalen Terrain zur Verfügung?
- 3) Vu wéi enge Fournisseuren an aus wéi enge Länner gëtt Lëtzebuerg mat Kerosin beliwwert?
- 4) Wéi eng Liwwerunge sinn eise Kontrakter no an deenen nächste sechs Méint virgesinn? Gëtt et eng Kommunikatioun vun de Fournisseuren ob déi och kënnen agehale ginn?
- 5) Kann d'Regierung eng Tabell presentéieren, wéi eng Gidder vum aldeegleche Bedarf (Hygiènesproduiten, Liewensméttel, Medikamenter asw.) duerchschnëttlech a wéi enger Quantitéit mam Fliger op Lëtzebuerg geliwwert ginn?
- 6) Gëtt et Noutfallpläng, wéi eng Beräicher vun der Lofftaart am Fall vun engem Manktem (u Kerosin) prioritär versuergt ginn? Falls jo, wéi eng? Falls net, firwat net?
- 7) Goufen auslännesch Fluchgesellschafte schonn informéiert, datt si zu Lëtzebuerg an den nächste Méint méiglecherweis nëmme nach begrenzt tanke kënnen?

Mat déiwem Respekt,

Michel Lemaire  
Deputéierten